



Adresa: Ul. Hamdije Čemerlića 39a
71000 Sarajevo
<http://www.voda.ba>

Tel. +387 33 726 444
fax. +387 33 726 423
e-mail: info@voda.ba

Broj: **UP-1/21-2-40-459-2/24**
Datum: **26.12.2024. godine**

«Agencija za vodno područje rijeke Save» Sarajevo rješavajući po zahtjevu Općine Tešanj za donošenje rješenja o vodnoj saglasnosti na projektu dokumentaciju za sanaciju lijeve obale rijeke Usore na lokalitetu nizvodno od mosta za Prnjavor u naselju Jelah, općina Tešanj, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Daje se vodna saglasnost Općini Tešanj za sanaciju lijeve obale rijeke Usore na lokalitetu nizvodno od mosta za Prnjavor u dužini cca 350 m u naselju Jelah, općina Tešanj, a na osnovu projektne dokumentacije:
 - Glavni projekat – Izrada novelacije Elaborata sanacije lijeve obale rijeke Usore u naselju Jelah u Tešnju, nizvodno od mosta za Prnjavor u Glavni projekat, urađen od strane «Zavoda za vodoprivredu» d.d. Sarajevo, novembar 2024. godine.
- Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove predviđene Glavnim projektom vezano za sanaciju lijeve obale rijeke Usore nizvodno od mosta za Prnjavor u naselju Jelah, općina Tešanj, izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.5. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.6. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.7. Prije početka izvođenja radova neophodno je utvrditi postojanje instalacija vodovoda, elektro, plina i ostale infrastrukture na obali i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.8. U toku izvođenja radova, neophodno je poduzeti sve potrebne mjere zaštite da predmetnom aktivnošću ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanja kvaliteta vode i dr).

- 3.9. Tehnologiju izvođenja radova u obalnom pojasu vodotoka prilagoditi uslovima na terenu, uz odgovarajuća osiguranja ljudi i materijalnih dobara.
- 3.10. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.11. Po završenim radovima, potrebno je izvršiti uređenje korita, obale i pojasa u kome su vršeni radovi, tj. dovođenje kompletnog terena u prvobitno stanje.
- 3.12. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti broj: 06-19-1-2376/24 izdatog dana 28.08.2024. godine od strane Službe za katastar, urbanizam i imovinsko-pravne poslove Općina Tešanj.
4. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
5. Ukoliko se izvođenjem radova na sanaciji lijeve obale rijeke Usore na predmetnom lokalitetu ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Usore ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti, koje je korisnik ribolovnog prava na ovom ribolovnom području, o početku izvođenja radova u koritu rijeke Usore na predmetnom lokalitetu u naselju Jelah.
8. Ukoliko se prilikom izvođenja zemljanih radova pojavi višak materijala iz iskopa a koji ne bude iskorišten za predmetne radove na sanaciji lijeve obale rijeke Usore na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
10. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeti radovi na sanaciji lijeve obale rijeke Usore u naselju Jelah nizvodno od mosta za Prnjavor u skladu sa glavnim projektom iz tačke 1. dispozitiva ovog rješenja.
11. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Općina Tešanj podnijela je ovoj Agenciji dana 02.09.2024. godine zahtjev za izdavanje vodne saglasnosti za sanaciju lijeve obale rijeke Usore na lokalitetu nizvodno od mosta za Prnjavor u dužini cca 350 m u naselju Jelah, općina Tešanj, a u postupku pribavljanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Uvjerenja o poreznoj registraciji izdatog dana 20.01.2011. godine od strane Porezne uprave - Kantonalni ured Zenica,
- Kopija Statuta Općine Tešanj («Službeni glasnik Općine Tešanj», broj:11/07),
- Kopija Rješenja o urbanističkoj saglasnosti broj: 06-19-1-2376/24 izdatog dana 28.08.2024. godine od strane Službe za katastar, urbanizam i imovinsko-pravne poslove Općina Tešanj,
- Kopija Rješenja o prethodnoj vodnoj saglasnosti broj: UP-1/21-1-40-239-3/24 izdatog dana 20.06.2024. godine od strane «Agencije za vodno područje rijeke Save» Sarajevo,
- Kopija Saglasnosti za izvođenje radova na sanaciji lijeve obale rijeke Usore na lokalitetu nizvodno od mosta za Prnjavor u dužini cca 350m u naselju Jelah, općina Tešanj, broj: 75124, izdata dana 23.12.2024. godine na traženje Službe za društvene djelatnosti i investicije Općina Tešanj od strane Sportsko ribolovnog kluba «Jelah - Tešanj»,

- Elaborat sanacije lijeve obale rijeke Usore u naselju Jelah u Tešnju, nizvodno od mosta za Prnjavor u cilju izgradnje lokalnog puta urađen od strane «Zavoda za vodoprivredu» d.d. Sarajevo, septembar 2022. godine,
- Glavni projekat – Izrada novelacije Elaborata sanacije lijeve obale rijeke Usore u naselju Jelah u Tešnju, nizvodno od mosta za Prnjavor u Glavni projekat, urađen od strane «Zavoda za vodoprivredu» d.d. Sarajevo, novembar 2024. godine te revidovan od strane «TEAM HIDRO» d.o.o. Sarajevo (broj: 061-06-12/24, decembar 2024. godine),
- Dokaz o uplaćenju upravnoj taksi na zahtjev.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na sanaciji lijeve obale rijeke Usore na lokalitetu nizvodno od mosta za Prnjavor u dužini cca 350 m u naselju Jelah, općina Tešanj izrađena je projektna dokumentacija: «Glavni projekat – Izrada novelacije Elaborata sanacije lijeve obale rijeke Usore u naselju Jelah u Tešnju, nizvodno od mosta za Prnjavor u Glavni projekat». Projektna dokumentacija urađena je od ovlaštenog projektanta «Zavod za vodoprivredu» d.d. Sarajevo, novembar 2024. godine. Reviziju projektna dokumentacije uradila je ovlaštena projektna kuća «TEAM HIDRO» d.o.o. Sarajevo, decembar 2024. godine.

U tehničkoj dokumentaciji su priloženi opisi i nacrti uobičajeni za ovaj nivo dokumentacije (situativni prikaz projektnog rješenja u mjerilu M 1:1000; uzdužni profili M 1:100/1000; normalni profil M 1:100; poprečni profili u mjerilu M 1:100 (od P1 do P10).

Aktivnost za koju je podnesen zahtjev za donošenje rješenja o vodnoj saglasnosti je sanacija lijeve obale rijeke Usore dionica nizvodno od mosta za Prnjavor u dužini cca 350m u naselju Jelah, općina Tešanj u cilju poboljšanja uslova tečenja i sprječavanja štetnog djelovanja voda što predstavlja uslov za izgradnju lokalnog puta koji je u potpunosti uništen.

Naime, prilikom nailaska velikih voda rijeke Usore u prethodnom periodu došlo je do značajne erozije obale prilikom čega je došlo do «odnošenja» lokalnog makadamskog puta.

Sanacijom lijeve obale rijeke Usore na predmetnom lokalitetu omogućit će se povećanje proticajnog profila rijeke Usore na istom, poboljšanje hidrodinamičkih uslova i kapacitativnih karakteristika korita a sve u cilju smanjenja nastanka šteta od poplava, zaštite lokalnog puta, lokalnog stanovništva i njihove imovine.

Prema projektnoj dokumentaciji, predviđen je normalni profil obaloutvrde sa osiguranjem kamenim nabačajem (dsr=40cm), dimenzija nožice iznosi 1,5x1,5x2,25m sa nagibom kosine 1:2. U cilju poboljšanja hidrauličkih uslova na predmetnoj dionici predviđeno je uklanjanje (mašinsko čišćenje) dvije ade iz korita rijeke Usore. Za stabilizaciju obaloutvrde predviđena je izrada 3 kamena stabilizaciona praga na razmaku od 100m. Ukupna dužina projektovane dionice iznosi L=354,26 m.

Od strane Službe za katastar, urbanizam i imovinsko-pravne poslove Općina Tešanj, za sanaciju lijeve obale rijeke Usore na lokalitetu nizvodno od mosta za Prnjavor u dužini cca 350 m u naselju Jelah, općina Tešanj, izdato je Općini Tešanj dana 28.08.2024. godine Rješenje o urbanističkoj saglasnosti broj: 06-19-1-2376/24 sa određenim uslovima. Obzirom da je podnosilac zahtjeva pribavio Rješenje o urbanističkoj saglasnosti od nadležnog organa time se potvrđuje da predmetna lokacija nije u koliziji sa planskom dokumentacijom Općine Tešanj.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-239-3/24 izdatog od strane ovog organa dana 20.06.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Na osnovu utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, shodno odredbama člana 114. Zakona o vodama i člana 17. stav (1) tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) propisani uslovi koje je isti dužan ispuniti u toku izvođenja radova na sanaciji lijeve obale rijeke Usore na lokalitetu nizvodno od mosta za Prnjavor u dužini cca 350 m u naselju Jelah, općina Tešanj.

Uzimajući u obzir naprijed navedeno, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren „Glavni projekat – Izrada novelacije Elaborata sanacije lijeve obale rijeke Usore u naselju Jelah u Tešnju, lokalitet nizvodno od mosta za Prnjavor u Glavni projekat“ («Zavoda za vodoprivredu» d.d. Sarajevo, novembar 2024. godine)

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- OPĆINA TEŠANJ

Trg Alije Izetbegovića br 1, 74260 Tešanj (prilog)

➔ AVP Sava, ISV-vodna knjiga

- Sektor 40 – arhiva

- Oglasna ploča – AVP Sava